

第二十卷

蟲魚部上品

總五十種今疏其要者十三種

石蜜

蜜蠟

牡蠣

龜甲

真珠

瑤琨

桑螵蛸

石決明

文蛤

蠡魚

鯽魚

鰾

鯉魚膽

附肉鱗

石蜜味甘平無毒微溫主心腹邪氣諸驚癇瘧
安五藏諸不足益氣補中止痛解毒除衆病和
百藥養脾氣除心煩食飲不下止腸癖肌中疼
痛口瘡明耳目久服強志輕身不饑不老延年
神仙瘧作瘧

李時珍曰每斤入水四兩以桑柴火緩煉掠去浮沫至滴成珠不散為度謂之小火煉法又法以
器盛置重湯中煮一日候滴散不散取用之佳且不傷火

疏○石蜜蜂採百花釀成故本經味甘氣平
別錄微溫無毒得草木羣英之精華合露氣
以釀成故其氣清和其味純甘施之精神氣

血虛實寒熱陰陽內勞諸病。罔不相宜。經曰。裏不足者以甘補之。甘爲土化。土爲萬物之母。石蜜具天地間至甘之味。故能安五藏諸不足。及益氣補中。除衆病也。心經有熱。則爲諸驚癇瘓。得甘緩之氣。則心火降。煩熱除。諸驚癇瘓平矣。諸痛癢瘡瘍。皆屬心火。故又能止肌中疼痛及口瘡也。甘主解毒。故能和百藥。甘主入脾。故能養脾氣。脾氣得所養。而飲

食自下。腸澼止矣。五臟足。氣血充。則耳目聰
明。不饑不老。輕身強志。延年神仙。所自來矣。
主治參互

同蘆根汁、梨汁、人乳、牛羊乳、童便、治噎膈大
便燥結、用此潤之、有痰加竹瀝、煉熟、和諸
丸藥、及膏子、主潤五藏、益血脈、調脾胃、通三
焦、塗火灼瘡、能緩痛、仲景方、蜜導煎、治陽
明病、自汗、小便反利、大便鞭者、用蜜二合、銅

器中微火熬之候凝如飴狀至可丸乘熱捻
作挺令頭銳大如指長寸半許候冷納穀道
中少頃卽通也一法加皂角細末二分攪勻
尤速產書產後口渴用熟蜜不計多少熟
水調服卽止全幼心鑑痘癰作癢難忍抓
成瘡及癩欲落不落百花膏主之用上等石
蜜不拘多少湯和時時以翎刷之効肘後
方天行虜瘡頭面及身須臾周匝狀如火瘡

三
皆戴白漿、隨決隨生、不卽療、數日必死、差後
瘡癰黯色、一歲方滅、此惡毒之氣深入也、用
蜜入升麻煎過、數數拭之、

簡誤

石蜜雖稱補五藏益脾胃、然而生者、性寒滑、
能作泄、大腸氣虛、完穀不化者、不宜用、嘔家
酒家、不宜用、中滿蠱脹、不宜用、溼熱脚氣、不
宜用、生者有小毒、尤不宜食、青赤酸者、食之

令人心煩不可與生葱同食害人。若與蒿芭同食令人利下。食蜜飽後不可食鮓令人暴亡。

蜜蠟味甘微溫無毒。主下痢膿血補中續絕傷。金瘡益氣不饑耐老。金瘡白蠟療久洩瀉後重見白膿補絕傷利小兒久服輕身不饑。

疏○蠟石蜜之凝結於底者也。蜜性緩質柔故主潤臟腑經絡。蠟性濇質堅故能療久痢。

洩澀後重下膿血也。甘能益血補中。溫能通行經脉。故主續絕傷。及金瘡也。中得補則氣自益。故久服能不饑。輕身耐老也。男子女人大小內外皆可施。而別錄獨云利小兒者。非也。

主治參互

得象牙末等。能去漏管。長肉。見象牙條下。

得膩粉、真珠末、黃檗末、龍腦香、鉛丹、蛙竹管。

葱白猪脊髓治陰蝕惡瘡 同孩兒茶鉛丹

胡粉水龍骨粉霜龍骨黃檗猪膽汁炙猪脂
作膏治內外臙瘡久不愈 金匱方調氣飲

治赤白痢少腹痛不可忍後重或面青手足

俱變者用黃蠟三錢阿膠三錢同溶化入黃

連末五錢攪勻分三次熱服神効 千金方

膠蠟湯治熱痢及婦人產後下痢用蠟二碁

子大阿膠二錢當歸二錢半黃連三錢黃檗

一錢陳廩米半升水三升煮至一升去米入藥煎至一鍾溫服神効

簡誤

火熱暴痢不宜用。

牡蠣。味鹹平。微寒。無毒。主傷寒。寒熱。溫瘧。洒洒。驚志。怒氣。除拘緩。鼠瘻。女子帶下。赤白。除留熱。在關節。榮衛虛熱。去來不定。煩滿。止汗。心痛氣結。止渴。除老血。瀉大小腸。止大小便。療洩精。喉。

痺咳嗽。心脇下痞熱。久服強骨節。殺邪鬼延年。

貝母爲之使。得甘草牛膝遠志。
蛇牀子良惡麻黃細辛吳茱萸

李時珍曰用童便浸四十九日。五日一換。取出再以硫黃末和醋泥塗上。煨用。雷公云急用。東

疏○牡蠣得海氣結成。故其味鹹平。氣微寒。

流水入鹽煮。一伏時。再入鹽中調黃泥固濟。煨。研用。

無毒。氣薄味厚。陰也。降也。入足少陰。厥陰。少

陽經。其主傷寒。寒熱。溫瘧。洒洒驚悸。怒氣。留

熱在關節。去來不定。煩滿氣結。心痛。心脇下

痞熱等證。皆肝膽二經爲病。二經冬受寒邪。

則爲傷寒。寒熱。夏傷於暑。則爲溫瘧。洒洒邪

伏不出。則熱在關節。去來不定。二經邪鬱不散。則心脇下痞。熱邪熱甚。則驚恚怒氣煩滿。氣結心痛。此藥味鹹氣寒。入二經而除寒熱邪氣。則榮衛通。拘緩和。而諸證無不瘳矣。少陰有熱。則女子爲帶下赤白。男子爲洩精。解少陰之熱。而能歛瀉精氣。故主之也。鹹屬水。屬陰。而潤下。善除一切火熱爲病。故又能止

干上渴。及氣婁候中咳軟也。老血者。宿血也。

鹹走血而軟堅。所以主之。其性收斂。故能瀉
大小腸。止大小便利也。腎主骨。入腎益精。則
骨節自強。邪本因虛而入。肝腎足。則鬼邪自
去。人以腎爲根本。根本固。則年自延矣。更能
止心脾氣痛。消疳積。癭瘤。結核。脇下堅
滿等證。皆寒能除熱。鹹能軟堅之功也。

主治參互

同生地黃、黃耆、龍眼、五味子、酸棗仁、麥門冬。

白芍藥、伏神、黃檗、當歸、治心腎虛盜汗、同
黃檗、五味子、地黃、山茱萸、枸杞子、車前子、沙
苑、蒺藜、蓮鬚、杜仲、治夢遺泄精、加牛膝、則兼
治赤白濁、同地黃、黃檗、阿膠、木耳、炒黑香
附、白芍藥、地榆、麥門冬、續斷、青蒿、鼈甲、蒲黃、
止婦人崩中下血、及赤白帶下、仲景方、同
龍骨、入柴胡、桂枝、各湯內、取其收斂、浮越之
陽氣、固脫而鎮驚、更能除胸脇中痞硬、藏

器方同麻黃根、蛇牀子爲粉去陰汗。本事
方、虛勞盜汗、牡蠣粉、麻黃根、黃耆等分爲末、
每服二錢、水煎服。仲景金匱玉函方、傷寒

傳成百合病、如寒無寒、如熱無熱、欲臥不臥、
欲行不行、欲食不食、口苦小便赤色、得藥則
吐、變成渴疾、久不瘥者、用牡蠣煨二兩、栝樓
根二兩、爲細末、每服方寸匕、用米飲調下、日
三服。古今錄驗方、水病囊腫、牡蠣粉二兩、

乾姜炮一兩、研細、冷水調稠、掃上、須臾囊熱如火、乾則再上、小便利卽愈、一方用葱汁白麵同調、小兒不用乾姜、經驗方、男女瘰癧、用牡蠣粉四兩、玄參末三兩、甘草一兩、麵糊丸、梧子大、每三十丸、酒下、日三服、服盡除根、不拘已破未破皆効、普濟方、月水不止、牡蠣煨、研細、米醋搜成團、再煨、研末、以米醋調艾葉末熬膏、九梧子大、每用醋湯下四五十